



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

87. Ferdinandi Secundi Imperatoris Mandatum de Protegendo Abbate & Conuentu S. Maximini ad Ducem Luxemburgensem Regem Hispaniarum Catholicum directum, Anno MDCXXVI.

urn:nbn:de:hbz:466:1-14268

*Ferdinandi II. Imperatoris Mandatum, de protegendo Ab-
bate & Conuentu Sancti Maximini ad Ducem Lu-
xemburgensem Regem Hispaniarum Catholicum,
directum, Anno MDCXXVI.*

FERDINANDVS Secundus, diuinâ fauente clementiâ Electus Romano-
rum Imperator semper Augustus, ac Germaniæ, Hungariæ, Bohemiæ,
Dalmatiæ, Croatiae, Sclauoniæ, &c. Rex. Archidux Austriae. Dux Bur-
gundiæ, Brabantiae, Stiriae, Carinthiae, Carniolæ, &c. Marchio Morauiae, &c.
Dux Luxemburgiæ, ac superioris & inferioris Silesiæ, Wirtembergæ & Teckæ,
Princeps Sueniæ, Comes Habsburgi, Tyrolis, Ferretis, Kyburgi, & Goritiæ,
Landtgravius Alsatiae, Marchio Sacri Romani Imperij, Burgouiae, ac supe-
rioris & inferioris Lusatiæ, Dominus Marchiæ Sclauonicæ, Portus Naonis &
Salinarum, &c. Serenissimo Principi Domino Philippo Quarto Hispania-
rum, vtriusque Siciliae, Hierusalem, &c. Regi Catholico. Archiduci Austriae.
Duci Burgundiæ, Confobrino & nepoti nostro Charissimo, aut ei, qui pro
tempore Dux Luxemburgiæ futurus est, salutem ac mutuæ beneuolentiæ, om-
nisque felicitatis continuum ac perpetuum incrementum. Cum nos ob singu-
larem clementiæ & ardoris affectum, quem erga honorem & religiosos deuot-
tos nobis dilectos: Abbatem & Conuentum Monasterij S. Maximini extra
muros Treuirenses, ipsumque Monasterium vetustate & auitâ religione cele-
berrimum, nostrorumque Prædecessorum monumentum singulare, semper
gestimus & gerimus in præfenti, præfatos Abbatem & Conuentum cum omni-
bus & singulis eorum bonis, oppidis, villis, fluminibus, iuribus, libertatibus,
possessionibus, redditibus, subditis, hominibus, seruatoribus, familiaribus, v-
bicunque locorum sitis & constitutis, in nostram, & Sacri Romani Imperij
repperimus protectionem, Saluaguardiam, ac defensionem singularem: Se-
renitatem Vestram beneuolenter requirimus & horramur, ac præcipiendo
mandamus, quatenus vigore Aduocatiæ & Protectionis, quæ eidem, tanquam
Duci Luxemburgensi circa dictum Monasterium Sancti Maximini competit,
præfatos Abbatem & Conuentum, eorumque subditos, homines, bona &
reditus, priuilegia, libertates, gratias ac Iura quęcunque, ab omnibus iniurijs
molestijs, turbationibus, & violentijs quibuscunque nominibus censeantur,
authoritate nostra Imperiali protegat, manuteneat, defendat, & conseruet,
quoties necessum & opportunum visum fuerit, vel super eo Serenitas Ve-
stra, aut qui pro tempore Dux Luxemburgiæ futurus erit, per dictos Abbatem
& Conuentum aut eorum Procuratores & Nuntios fuerit specialiter requisi-
ta, non permittens sæpemenoratis, Abbati & Conuentui in ipsorum priuile-
gijs, libertatibus, gratijs, concessionibus, Iuribus, ipsi à Diuis Romanorum
Imperatoribus & Regibus prædecessoribus nostris, ac Ducibus Burgundiæ,
aliisque Christi fidelibus indultis & concessis, ac à nobis confirmatis, bonis
item, redditibus, fructibus & possessionibus, subditis, hominibus & seruatori-
bus quibuscunque, quos & quæ in Imperio nostro Romano, vel extra habent,

seu

seu habere noscuntur, à quocunque vel per quemcunque, cuiuscunque status vel præminentia existant, aliquam iniuriam, turbationem, aut molestiam inferri, seu aliquo modo irrogari. Factura est in eo Serenitas Vestra, eiusque Successores, Duces Luxemburgenses rem, sollicito Protectore & Aduocato, dignam, Deo & nobis gratam, ac beneuolentiâ & gratiâ nostrâ Cæsareâ quauis occasione vicissim agnoscendam. Harum testimonio litterarum manu nostra subscriptarum, & Sigilli nostri Cæsarei appensione munitarum. Datum in Ciuitate nostra Viennæ, die duodecima mensis Octobris, Anno Domini Millesimo, Sexcentesimo, vigesimo sexto: Regnorum nostrorum: Romani octauo; Hungarici nono; Bohemici vero decimo.

88.

*Ferdinandi II. Imperatoris Diploma, de Iure Aduocatorum
Sancti Maximini, Datum Anno
MDCXXVI.*

FERDINANDVS Secundus diuinâ fauente clementiâ electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Schlauoniæ, &c. Rex. Archidux Austriæ. Dux Burgundiæ, Brabantia, Stiria, Carinthæ, Carneoliæ, &c. Marchio Morauia, &c. Dux Luxemburgiæ, ac superioris & inferioris Silesiæ, Wirtembergæ & Teche, Princeps Sueuiæ, Comes Habsburgi, Tyrolis, Ferreti, Kyburgi & Goritiæ, Landgravius Alsatia, Marchio sacri Romani Imperij, Burgouia, ac superioris & inferioris Lusatiæ, Dominus Marchiæ Selauoniæ, Portus Naonis & Salinarum, &c. Agnoscimus & notum facimus tenore præsentium vniuersis. Quod demissè nobis exponi curarint Honorabilis, Religiosi, deuoti nobis dilecti Abbas & Conuentus Monasterij Sancti Maximini prope Treuiros, diuersa, in & extra territorium Abbatia Sancti Maximini esse oppida & loca, quibus speciales Aduocatos antiquitus dare & constituere consueuerint, quorum constituendorum, & pro arbitrio remouendorum libera, dicto Abbati & Conuentui ex diuersis tum antiquis, tum recentibus diuorum quondam Imperatorum concessionibus, & nouissima Rudolphi secundi Imperatoris, Domini Patruelis, ac Prædecessoris nostri colendissimi de dato Augustæ Vindelicorum, die nona Mensis Iulii, Anno Domini, millesimo quingentesimo octuagesimo secundo subsecuta confirmatione nobis in authentica & sive digna forma exhibita competat facultas, & licet necessitate sic exigente, hoc suo iure nonnunquam uti statuerint, metuere tamen, ne periculosis præsertim hisce temporibus, grauiores inde sibi, suoque Monasterio molestias ac difficultates accerfant. Ideoque demissè nobis supplicarint, ut ad maiorem cautelam & securitatem, nos quoque Diuorum Prædecessorum nostrorum exemplo, hanc facultatem ac potestatem sibi priuilegio nostro Cæsareo clementer confirmare dignaremur. Nos igitur, qui personas Ecclesiasticas & Deo dicatas in iuribus ac priuilegiis suis defendere satagimus supradictis precibus clementer annuentes, memoratam Diuorum Prædecessorum nostrorum concessionem in omnibus & per omnia approbandam, innouandam, ratificandam & confirmandam, ac quatenus opus est, de nouo concedendam duximus, uti vigore